



AKTUELNOSTI

Pravni savjetnik u Ambasadi SAD-a posjetio Tužilaštvo Istaknuti dobri rezultati u borbi protiv trgovine ljudima

Frank Bradsher, stalni pravni savjetnik u Ambasadi Sjedinjenih Američkih Država u Bosni i Hercegovini, posjetio je juče, 15. februara, Tužilaštvo Brčko distrikta BiH. Nakon prošlogodišnjeg susreta, *Bradsher* se tokom nove posjete ponovo sastao s tužiteljicom Tužilaštva Šejlom Drpljanin s kojom je razgovarao o procesuiranju slučajeva trgovine ljudima.



Na sastanku su potcrtani izuzetno dobri rezultati Tužilaštva Distrikta u ovoj oblasti, kao i naročita profesionalna spremnost u ovoj instituciji za borbu protiv ovog oblika kriminala. Konstatirano je da je samo u prošloj godini ovo tužilaštvo podiglo tri optužnice za trgovinu ljudima, dok je u jednom slučaju za ovo krivično djelo

počinjeno iskorištavanjem petero malodobne djece optuženom roditelju izrečena kazna zatvora od pet godina.

Nova posjeta Tužilaštvu bila je prilika da savjetnik Bradsher u ime USAID-ovog projekta "Pravosuđe protiv korupcije" tužiteljici Drpljanin uruči zahvalnicu za podršku organizaciji radionice "Istrage, krivično gonjenje i odmjeravanje krivičnihopravnih sankcija u krivičnim djelima trgovine ljudima", kao i sertifikat o učešću u obuci održanoj u novembru prošle godine.

U ime glavnog tužioca Tužilaštva Zekerije Mujkanovića, tužiteljica Drpljanin izrazila je zahvalnost za dugogodišnju podršku i pomoć u radu, koju su Sjedinjene Američke Države osigurale pravosuđu Brčko distrikta BiH. Saradnja Ambasade SAD-a u BiH i Tužilaštva Distrikta u osnaživanju vladavine prava u BiH ocijenjena je izuzetno uspješnom, a sudeći prema zaključcima novog konstruktivnog radnog sastanka, i dalje će biti nastavljena.